

६०. फलवर्द्धिपार्श्वनाथकल्पः ।

सिरिफलवद्धि^१अचेईअपरिद्विअं पणमिऊण पासजिणं । तस्सेव बेमि कप्पं जहासुअं दलिअकलिदप्पं ॥ १ ॥

अत्थि सवालक्खदेसे मेडत्तयनगरसमीवठिओ वीरभवणाइ-नाणाविहदेवाल्याभिरामो फलवद्धी नाम गामो । तत्थ फलवद्धिनामधिज्जाए देवीए भवणमुत्तुंगसिहरं चिट्ठइ । सो अ रिद्धिसमिद्धो वि कालक्कमेण उवसपाओ संजाओ । तहावि तत्थ कित्तिआ वि वाणिअगा आगंतूण अवसिंसु । तेसु वि एगो सिरिसिरिमाल-^{२०} वंसमुत्तामणी धम्मिअलोअगामगामणी धंधलो नाम परमसावओ हुत्था । बीओ अ तारिसगुणो चेव उवएसवाल-कुलनहयलनिसाकरो सिवंकरो नाम । ताण दुण्हं पि पभूआओ गावीओ आसि । तासिं मज्जे एगा धंधलस्स धेणू पइदिणं दुज्झंती वि दुद्धं न देइ । तओ धंधलेण गोवालो पुच्छिओ-किमेसा धेणू तुमए चेव बाहिरे दुज्झइ अन्नेण वा केणावि, जेणेसा दुद्धं न देइ । तओ गोवालेण सवहाइं काऊण अप्पा निरवराही कओ । तओ गोवालेण सम्मं^{२५} निरिक्खंतेण एगया^३ उच्चरडयस्स उवारिं बोरितरु^४समीवे चउहिं वि थणेहिं खीरं झरंती दिट्ठा सा सुरही । एवं^{२५} पइदिणं पिच्छंतेण^५ दंसिआ धंधलस्स । तेण वि चित्तिअं नृणं इत्थ कोइ जक्खाई देवयाविसेसो भविस्सइ भूमिम-ज्झट्ठिओ । तओ गिहमागएण तेण सुहपसुत्तेण रत्तीए सुमिणओ उवलद्धो; जहा एगेण पुरिसेण वुत्तं-इत्थ रडए भयवं पासनाहो गम्भहरदेवलिआमज्जे चिट्ठइ । तं बाहिं निक्कासिऊण पूएहिं । तओ धंधलेण पहाए बुद्धेणं सिव-करस्स निवेइओ सुमिणवुत्तंतो । तओ दोहिं पि कोऊहलाऊरिअमाणसेहिं बलिपूआविहाणपुवं उड्डेहिं^६ रडयभूमिं खणा-वित्ता कट्ठिओ गम्भहरदेउलिआसहिओ सत्तफणिफणामंडिओ भयवं पाससामी । पइदिअहं पूयंति महया^{३०} इट्ठीए ते दो वि । एवं पूइज्जंते भुवणनाहे पुणो वि अहिट्ठायागेहिं सुमिणे आइट्ठं तेसिं; जहा-तत्थेव पएसे चेईअं कारावेह ति । तओ तेहिं पहिट्ठचिचेहिं दोहिं वि निअविहवाणुसारेण चेईअं कारावेउमादत्तं । पयट्ठिआ सुत्तहारा

1 Pa निरक्खंतेण । 2 Pa उच्चरडय° । 3 B °तरस्स स° । 4 P पुच्छंतेण । 5 Pa C उदेहिं । 6 B महिआ ।
वि० क० १४

१०६

विविधतीर्थकल्पे

१कम्मद्वाएसु । जाव अगमंडवे निप्पन्ने तेसिं^१ अप्पड्ढिअत्तेण दविणविच्चणअसमत्थयाए निअत्तो कम्मद्वाओ । तओ धणिअं अधिइमावन्ना दो वि परमोवासया । तयणंतरं रयणीए पुणो वि अहिट्टायगसुरेहिं सुमिणे भणिअं; जहा—अइप्प-
भाए^२ अलवन्तेसु काएसु देवस्स अगगओ दम्माणं सत्थिअं पइदिणं पिच्छिस्सह । ते दम्मा चेईअकज्जे वइयव त्ति ।
तेहिं तहेव दिट्ठे, ते दम्मे धित्तूण सेसकम्मद्वायं कारवेउमाढत्तं । जाव पडिपुण्णा पंच वि मंडवा य, लहुमंडवा य,^३
५ तिहुअणजणचित्तचमुक्कारकारए । बहुनिप्पन्नंमि चेईअंमि तेसिं पुत्तेहिं चित्तिअं—कत्तो एअं दव्वं संपज्जइ, जं अविच्छे-
एण कम्मद्वायं उस्सप्पइ त्ति । अह एगंमि दिणे अइप्पहाए चेव थंभाइअंतरिआ होऊण निहुअं दट्ठुमारद्दा । तम्मि
दिवसे देवेहिं न पूरिअं दम्माणं सत्थिअं । आसन्नं च मिच्छरज्जं नाऊण पयत्तेण आराहिआ वि अहिट्टायगा न पूरिं
दव्वं त्ति । ठिओ तदवत्थो चेव चेईअकम्मद्वाओ । एगारससएसु इक्कासीइसमहिएसु विक्रमाइवरिसेसु
अइकंतेसु रायगच्छमंडणसिरिसीलभइसूरिपट्टपइट्ठिएहिं महावाइदिअंवरगुणचंदविजयपत्तपइट्ठेहिं सिरि-
१० धम्मघोससूरीहिं पासनाहचेईअसिहरे चउविहसंघसमक्खं पइट्ठा किआ । कालंतरेण, कलिकालमाहप्पेण
केलिप्पिआ वंतरा हवन्ति, अथिरचित्ता य त्ति पमायपरवसेसु अहिट्टायगेसु सुरताणसाहावदीणेण भगं मूलबिंबं ।
पुणरवि सावहाणीभूएसु अहिट्टायगसुरेसु मिच्छरन्नो मिच्छाणं च अंधत्तरुहिरवमणाइचमुक्कारा दंसिआ । तओ^४
सुरताणेण दिन्नं फुरमाणं; जहा—एअस्स देवभवणस्स केणावि भंगो न कायवो त्ति । अन्नं च बिंबं किर भयवओ
अहिट्टायगा न सहंति त्ति संघेण^५ बिंबंतरं न ठाविअं । विलंगिअंगस्स वि भगवओ महंताइं माहप्पाइं उवलब्भंति । पइव-
१५ रिसं च पोसबहुलदसमीए जम्मकल्लाणयदिणे चाउदिसाओ^६ सावयसंघा आगंतूण णवण-गीअ-नट्ट-वाइअ-कुसुमाभरणा-
रोवण-इंदधयाईहिं मणहरं जत्तामहिमं कुणंता, संघपूआईहिं सासणं पभाविंता, निदलंति दुसमासमयविलसिआइं,
विदवन्ति गुरुअं^७ सुकयसंभारं । इत्थ य चेईए धरणिंद-पउमावई-खित्तवाला अहिट्टायगा संघस्स
विगघपब्भारं उवसामिंति, पणयलोआणं मणोरहे^८ अ पूरिति । इत्तो च्चिअ थिरपईवहत्यं पुरिसं चेईअमज्जे संचरंतं
पासंति समाहिअमणा इत्थ रत्तिं वुत्था भविअजणा । एअंमि महातित्थभूए पासनाहे दिट्ठे कलिकुंड-कुकुडेसर-
२० सिरिपव्वय-संखेसर-सेरीसय-महुरा-बाणारसी-अहिच्छत्ता-थंभणय-अज्जाहर-पवरनयर-देव-
पट्टण-करहेडय-नागइह-सिरिपुर-सामिणि-चारूप-दिंपुरी-उज्जेणी-सुद्धदंती-हरिकंखी-लिंबोड-
याइठाणवट्टमाणपासनाहपडिमाणं किरि जत्ता कया हवइ त्ति संपदायपुरिसाणं उवएसो ।

इअ फलवट्ठिपुरट्ठिअपासजिणिंदस्स कप्पमवि^{११}अप्पं । निसुणंताणं भवाण होउ कल्लाणनिप्पत्ती ॥ १ ॥

इत्याप्तजनस्य सुखात् किमप्युपादाय संप्रदायलवम् ।

25

व्यधित जिनप्रभसूरिः^{१२} कल्पं फलवट्ठिपार्श्वविभोः ॥ २ ॥

॥ इति फलवट्ठिपार्श्वनाथकल्पः समाप्तः ॥

॥ ग्रं० ५५, अ० २ ॥

1 Pa C कम° । 2 P अप्पिड्ढि° । 3 B °प्पभावे । 4 P Pa नास्ति 'लहुमंडवा य' । 5 B Pa C ततः ।
6 B बिंबं । 7 B °दिसाओ वि । 8 B C सुकृत° । 9 B विगघस्स विगघप° । 10 B मणोरहे । 11 Pa कप्पं ।
12 Pa सूरिभिः ।